




LA PRODUZION DE CJARTEQ




SELEZION: si sielzin i arbui plui tenars, ven a stai chei di peç e pôl. I arbui a vegnin scussâts e tajâts.


SFRACAIAMENT: i lens a vegnin ridusûts in sclesis e daspò in poltiglie.




RAFINAZION: doprant tante aghe e sostancis chimichis lis fibris a vegnin pressadis e tajadis par rindilis ancjimò plui flessibii par otignî la paste di celulose.




MISTURE: si messede la paste cun cole, colorants e altriis sostanciis daûr dal prodot che si à di otignî.



FORMAZION DAL SFUEI: l'impast al ven fat colâ suntune serie di cilindris, come un traspuartadôr a curdele, par distribuîlu in maniere uniforme e fâ lâ vie la aghe di masse.



SLISSADURE: une volte secjâts, i sfueis a passin intune machine par slissâju.



BOBINADURE: la cjarTE e ven fate su in bobinis.





LIS CARATERISTICHIS DE CJARTE



Daûr da lis materiis primis dopradis e de lavorazion, la cjarTE e à diviersis carateristichis.




POROSITÂT

Capacitât di bevi umiditât e ingjustri

GRAMATURE

Densitât g/m²
Medie 80 g/m²
Elevade 150 g/m²



CARATERISTICHIS DE CJARTE

OPACITÂT

Capacitât di no lassâsi traversâ de lûs



RESISTENCE

Ae trazion,
ae sbregadure,
ae piegadure





CUALITÂTS DI CJARTE



Cjale la foto... a esistin tantis cualitâts di cjarte che si doprin par fâ robis diviersis.



Cîr a scuele e a cjase tantis cualitâts di cjarte e realize un campionament sul to cuader.



IL VERP JESSI E LIS FRASIS SEMPLICIS



Cjale la coniugazion dal verp jessi tal indicatîf presint e la strutture di une frase semplice.

INDICATÎF PRESINT DAL VERP JESSI

1. Jo o soi
2. Tu tu sês
3. Lui al è
4. Je e je
5. Nô o sin
6. Voaltris o sês
7. Lôr a son

FRASE SEMPLICE CUL VERP JESSI

La cjarte di suiâ e je morbide.

SOGJET

VERP JESSI

AGJETÎF



Scrîf da lis frasis semplicis come tal esempi par descriveri lis diviersis cualitâts di cjarte che tu âs cjatât doprant il verp jessi